



सा:गु भिंगु मरिचरिया नितिं लुमंका दिसै !

लक्ष्मण गमाल /चिलिमि'
प्रोप्राइटर

लाखा छै
LAKHA CHHEN

सोन्हुष्टे, वडा नं. १६, यै, फोन नं.: ४५६०७५८

याकनं बजेट हयेत उपमेयर सुनिता डंगोलया इनाप

प्रमुख प्रशासकीय अधिकृत मदुगु बैठक कानुनी रुपं गलत

● **लहना संवाददाता**
यै महानगरपालिकाया उपमेयर सुनिता डंगोल संयमित जुयाः बजेट हयेगु प्रक्रियाय् ब्वति कायेत फुक्कं जनप्रतिनिधितयत इनाप यानादीगु दु । वय्कलं म्हिगः सामाजिक सञ्जालय् छू पोस्ट यासैं उगु इनाप यानादीगु खः ।

वय्कलं सामाजिक सञ्जालय् च्वयादीगु दु, 'वातावरण स्थैर्य मखु सम्हाले यानाः, आवेग व उत्तेजनाय् मखु संयमित जुयाः बजेट हयेगु प्रक्रियाय् ब्वति कायेनु ।' लिसैं वय् कलं थः खुल्ला सहलह व सकल लिसैं जानाः न्ह्याःवनेत इनाप यासैं च्वयादीगु दु, 'नांचा प्वाः खनाः मेपिंत कुतुकेगु व थः जक बचे जुइगु दुर्भाग्यया लैपु लीगु कुतः मयाये ।'

वय्कलं कानुनी व्यवस्था कथं स्थानीय तह असार १० गते हपे बजेट न्ह्यब्वयेमाःगु व मसान्तया दुने पारित यायेमाःगु धासैं तर थौं तक नं बजेट दयेकेगु नितिं माःगु कार्यपालिका व नगरसभाया बैठक जक मखुसे बजेट तर्जुमा तथा कार्यक्रम समिति लिसे मेयर नेतृत्वया स्रोत अनुमान तथा बजेट सीमा निर्धारण समिति थेंज्याःगु



महत्वपूर्ण समितिया बैठक तक च्वने मफयाच्चंगु धासैं सकारात्मक कुतःया नितिं इनाप नं यानादीगु दु ।

उकथं हे उपमेयर डंगोलं प्रमुख प्रशासकीय अधिकृतयात जक दोष क्यनाः बजेट लगायत महत्वपूर्ण ज्यायात पंगः थने मजिउगु खँय् बः बिसैं च्वयादीगु दु, 'थ्व इलय् व वा थ्व बहानाय् बजेट महयेगु उचित मखु । यदि प्रमुख प्रशासकीय अधिकृत दोषी ठहर जुइगु खःसा कानुन कथं तत्काल कारबाही यायेमाः धइगु खँय् जि अडिग

दु । तर थौंकन्हय् प्रमुख प्रशासकीय अधिकृतया उपस्थिति मदयेक हे कार्यपालिका व नगरसभाया बैठक तयेगु विषय समस्या जुयाच्चन धइगु समाचार वःगु दु । कानुनी ल्याखँ थ्व उचित मदु धइगु खँय् जि अडिग दु । प्रमुख प्रशासकीय अधिकृतया सन्दर्भय् जनप्रतिनिधि वय्कःयात बैठकय् तयाः खुल्ला रुपय् न्ह्यसः तयेमाः धइगु जिगु मान्यता दु ।'

अथे हे उपमेयर डंगोलं प्रशासकीय अधिकृतयात बैठकय् ब्वति

कायेकाः जनप्रतिनिधियात न्ह्यसः तयेगु अवसरं वञ्चित याये मजिउगु खँ धासैं च्वयादीगु दु, 'थुकथं वय् कःयात बैठकं पिने तयेबलय् जनप्रतिनिधिया न्ह्यसः पाखे बिसिउँ वनेत्यंगु खःला धइगु संशय जनताय् ब्वलनी । अथेजुयाः प्रमुख प्रशासकीय अधिकृतयात जनप्रतिनिधिया न्ह्यसः पाखे बिसिकेगु मखु, बरु वय्कलं बैठकय् सामना याये मालिगु जूगुलिं अनिवार्य उपस्थित जुइमाः धइगु जिगु मान्यता खः ।

उकथं हे वय्कलं वंगु आइतवाः जक थम्हं मेयर, प्रवक्ता लिसे कार्यपालिकाया दुजःपिंत अनौपचारिक रुपय् नापलानाः बोर्ड व नगरसभा याकनं क्वचायेगु विषयसं सहलह यानागु व सकारात्मक संकेत वःगु खँ नं च्वयादीगु दु ।

थ्व स्वयां न्ह्यः नेपाली काँग्रेसया वडा अध्यक्षपिसं प्रमुख प्रशासकीय अधिकृतयात बिदाय् तयाः जूसां कार्यपालिका व नगरसभाया बैठक सःतेगु तयारी यानाच्चंगु समाचार सार्वजनिक जूगु खः । काँग्रेसया नेतातय्सं बहुमतया आधारय् निर्णय यानाः जूसां बजेट पारित यायेगु कथं तयारी यानाच्चंगु खँ धायेगु याना वयाच्चंगु खः ।

काँग्रेसया अध्यक्षपिसं यै महानगरपालिकायात अनिर्णयया बन्दी दयेके मजिउ धासैं गुगु नं हालतय् यै महानगरपालिकाया बैठक सःतेगु धकाः तयारी याःगु खः । उकिया नितिं मेयर बालेन साह नं सहमत जुयाच्चंगु खँ नं सार्वजनिक जुइधुकूगु दु ।

उकथं हे प्रमुख प्रशासकीय अधिकृत सरोज गुरागाईं नं वंगु ल्यं ७ पेजय्

मातृभाषा पत्रकारया घोषणा पौ राष्ट्रसंघयात

लहना वाःपौ/ निक्वःगु अन्तराष्ट्रिय मातृभाषा पत्रकार सम्मेलनया घोषणापत्र संयुक्त राष्ट्र संघया प्रतिनिधियात लःल्हात । निक्वःगु अन्तराष्ट्रिय मातृभाषा पत्रकार सम्मेलनया घोषणापत्र संयुक्त राष्ट्र संघयात छू ज्याभूवः दथुइ नेवाः पत्रकार राष्ट्रिय दबूया नायः नृपेन्द्रलाल श्रेष्ठ लःल्हानादीगु खः ।

त्यं ७ पेजय्

Trendiest Fashion
At Price You Love

ufo the clothing store
#EMPOWERYOURFUTURE

तान्तःया पासा
कुल्फी व आइसक्रीम
भीपिया दिसैं ।

Himalayan Ice

घौ, दुरु, ह्याः, बटर व
क्रिम बजारय् उपलब्ध दु

सूर्यविनायक नगरपालिका, वडा नं. १, सिरुटार धनसार, ख्वप
४८०८६०८७२५, ४८४४६४८३२५



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्यान भी सकस्यां छगू
जातितय् स्वायत्त राज्यं लुइ कपं च्वय् फिलिमिलिं
राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय



असारय् बिकास दिकेमाल

दैय्दसं थें थुगुसी असार महिना विकास खर्च याय्गु ज्या दिउगु महुनि। आर्थिक दै क्वचाय्ते छुं दिं जक ल्यैं दनि। थुगु दैय् बिनियोजित पूँजीगत बजेटया बच्छि तकं खर्च जूगु महुनि। थ्व नं विकासया बाखनय् व हे पुलांगु व निराशाजनक अध्यायया निरन्तरता जूगु दु। महालेखा नियन्त्रक कार्यालयया तथ्यांक असार १७ गते तक विकासया ४६.१२ प्रतिशत अर्थात पूँजीगत बजेट जक खर्च जूगु दु। थ्व छगू सन्देश ख: कि भीगु शासन व्यवस्था, वित्तीय अनुशासन, विकासया प्रतिबद्धताय् वास्तविक हिउपा: व:गु महु। अले राजनीतिक इच्छाशक्ति नं महु। थ्व सरकारया लापरवाहीया उपज ख: धा:सा अतिशयोक्ति जुइमखु।

विकास खर्चया ल्या: बच्छि स्वयां म्हो जूगु धइगु समृद्धिया म्हागसय् न्हिलेज्या ख:। जब कि सरकारया मू नारा समृद्ध नेपाल, सुखी नेपा: ख:। अले ऋण पुलेगु स्वयां म्हो जक पूँजीगत बजेट विनियोजन याना: व नं खर्च मजुल धा:सा समृद्धि गुकथं वइ ? दैदनिसें संस्थागत जुयाच्वंगु 'विकास खर्च घाटा' थुगुसी नं निरन्तरता जूगु दु, अले थुकिं समृद्धिया म्हागस छगू नारा जक ख: धइगु क्यनाच्वंगु दु। दच्छिया ११ महिना तक परियोजनायात बेवास्ता याना: प्रक्रियात्मक भ्रष्टाचार तय्कनेगु, आर्थिक दैया लिपांगु महिना असारय् बजेट पूर्वकेत हथाय् पथाय् चाइगु पुलांगु ल्वय् ख:। थुकियात लंकेत त:धंगु सर्जरी याय्मा:। तर सरकारं धा:सा थ:गु तयारी क्यंगु महु।

विकास धइगु लैया पर्यायवाची जुइधुंकल, अले वा वइगु इलय् लैं म्हुया: सतकय् पिच याइ। छुं दिया दुने हे उगु लैं स्यकेगु याइ। अले जनताया करं मुंकात:गु राज्यकोष फिइ ल: थें जुयाच्वंगु दु। असारय् या:गु विकास वास्तवय् विकास मखु, बजेट लिं मवय्केत आर्थिक संस्कार जक ख:। थुकिं लिच्च: बी मखु। बरु भ्रष्टाचार व अनियमिततायात तिब: बीगु ज्या जुइ। भीगु बजेट निर्माण प्रक्रिया हे अवैज्ञानिक व अव्यवहारिक ख:। आवश्यकता व सम्भावनाया अध्ययन याय्गु पलेसा राजनीतिक स्वार्थया निंतिं योजना दय्का: बजेट विनियोजन याइ। बजेटयात खण्डित योजनाय् ब्वथला: वित्तिय प्रक्रिया व वित्तिय जिम्मेवारीया सुन्दर प्रावधानयात कुरुप याना: राज्यया कोषयात सिंतिं छ्वयाच्वंगु दु। सरकारं छुं न्हूगु अभ्यास न्ह्याकागु धा:सां लिच्च: धा:सा उकियात समर्थन या:गु महु। समस्या पहिचान या:सां नं समाधान याय्गु क्वातुगु इच्छाशक्ति महुगु दुर्भाग्यया खँ ख:। आ: थ्व ल्वय् सामान्य सुधारं बाय् लिबाक्क समाधान याना: लनी मखु।

थुकथं स्वयंबलय् सरकारं राजस्व उठे याय् मफुगु जक मखु, थ:गु लक्ष्य नं पूर्वके मफयाच्वंगु दु। उकिया शीर्षय् आन्तरिक आम्दानी चालु खर्च पूर्वकेत मुश्किलं जुइ। अले विकासया निंतिं बजेट फ्याना: उकी खर्च मया:सा गुकथं विकास जुइ ? विकासया नाम्ये विकास धइगु मिखा तिसिना जक ख:। बजेट निर्माण प्रक्रियायात पूर्ण वैज्ञानिक दय्केगु, आर्थिक दैं सुरु जुइगु यक्व न्ह्य: हे परियोजना तयार याय्गु व ल्यय्गु, सार्वजनिक खरिद ऐनयात पूर्वाधारसैत्री दय्केगु, इलय् ज्या मया:सा कडा कारवाही याय्गु ज्याय् लिबाके मजिउ। गबले तक विकासया नाम्ये जुयाच्वंगु थ्व अनावश्यक विकृतियात अन्त्य याइमखु, समृद्धि नेतातय्गु भाषण व सरकारी दस्तावेजय् जक सीमित जुइ।

न्हसिकाप तब्या याय्गु मज्य



दिलिप शाही “शान्तिचञ्जु”


स्वनिग:या ल: पिहां वनीगु न्हसिकाप थौंकन्हय् चर्चाया च्वकाय् थ्यनाच्वंगु दु। सरकारं वा वइगु इलय् स्वनिग:या ल: पिहां वनेगुलिं पंग: थनाच्वंगु धासें न्हसिकापय् लानाच्वंगु फोहोर सफा याय्गु धका: धा:गु ख:। तर जनतया दथुइ न्हापा हे सरकारं स्पष्ट याय् मफुगु कारणं याना: सरकारं न्हसिकाप सफा याय्गु धा:सां नं जनताया दथुइ न्हसिकाप तछ्याय्गु वा तब्या याय्गु कथंया समाचार सम्प्रेषण जुल। गुकिं याना: स्वनिग:या अभियन्ता लिसे थीथी व्यक्तिगतय्सं न्हसिकाप तछ्याय्गु वा तब्या याय्गु ज्या गलत जूगु धका: विरोध यात। गुकिया कारणं याना: किपू नगरपालिकां सार्वजनिक सुनुवाइ हे याय्मा:गु अवस्था वलसा मेखे शहरी विकास मन्त्रालयं प्रेस विज्ञप्ति हे जारी याना: न्हसिकाप चाय्गु मखुसें अन च्वंगु फोहोर जक सफा याय्गु खँ धाय्त बाध्य जुल। न्हसिकाप नेवा:तय् भावना लिसे सम्बन्ध दुगु थाय् ख:। थन केवल खुसि जक मखुसें थीथी कथंया सम्पदा नं दु। अभ्र धाय्गु ख:सा न्हसिकाप स्वयम् हे छगू सम्पदा ख:। गुगु द्वलंद्र दै न्ह्यवनिसें प्राकृतिक रुपं बने जूगु ख:। उकिया संरक्षण व सम्बर्द्धन याय्मा:गु दायित्व वास्तवय् सरकारया ख:। तर सरकारं नेपा: सम्पदायात सुरक्षा याय्गु ज्या स्वयां उकियात न्हंकेगु ज्या यानाच्वंगु धइगु दसि स्वनिग: पुलांगु वस्तीय लाथेपाथें लैं तब्या याय्गु जक मखु वस्ती तकं उथे याय्गु ज्या जुयाच्वंगु दु। थुकिया छगू दसि ग्वलय् ख:सा मेगु दसि धइगु नेवा:तय् पुलांगु बस्ती यलं गोदावरीइ वनेगु आपालं ल:या सिथय् च्वंगु वस्ती ख:। अनया मू जात्रा याय् मा:गु थासय् सतक विस्तार याय्गु धका: बस्ती चीकेगु ज्या सरकारं या:गु ख:। सामान्य रुपय् स्वयंबलय् सरकारं लैं तब्या याय्गुयात विकास खनाच्वंगु दु। तर वास्तविक विकास धइगु पुलांगु सम्पदाया संरक्षण व सम्बर्द्धन हे विकासया नमूना ख: धइगु खँ विदेशय् च्वंगु पुलांगु शहरयात स्व:सा गा:।

मेता खँ न्हसिकाप तब्या याय्गु खँ गन वल धका: स्वय्गु ख:सा वंगु दैया असोज ११ निसे १३ गते तक व:गु खुसिबा: ख:। उगु इलय् धाय्गु ख:सा स्वनिग:या उत्तर लागा स्वयां दक्षिण लागा अप्व: डुबानय् ला:गु ख:। अले वा नं उगु इलय् दक्षिण लागाय् अप्व: व:गु ख:। गुकिया कारणं याना: स्वनिगलय् जक सछि स्वयां अप्व: मनुतय् ज्या वन। तर थ्व खुसिबा:या दोष धा:सा सरकार व सर्वसाधारण जनतां खुसियात बियाच्वंगु दु। गुगु कि

तकसं पाय्छि मज्गु खँ ख:।

स्वनिग:यात स्वय्गु ख:सा न्हापा आपालं धयाथें बुँ धइगु खुसि सिथय् लानाच्वंगु ख:। अज्या:गु थासय् न्हापा छैँ दनेमजिउ धका: छैँ दनेगु ज्या मज्गु। तर गबलय् नेपालय् प्रजातन्त्र वल उगु इलय् उर्काभूमि जुयाच्वंगु स्वनिग:या बुँयात नष्ट याना: छैँ दय्केगु ज्या जुल। गुकिया लिच्च: कथं वा वइगु इलय् जमिनय् ल: दुहां वनेगु थाय् मन्त गुकि याना: ल: तय्कं खुसिइ वनेगु जुल। थौं कन्हय् भचा जक वा व:सां नं स्वनिग:या फुक्कं धयाथें खुसि बा: वया: छैँ डुबानय् लाइगु खँ सामान्य जुइधुंकल। थ्व जूगु मू कारण धइगु अव्यवस्थित बस्ती विस्तार हे ख:

ले धइगु न्ह्यस: नं ब्वलनाच्वंगु दु। न्हसिकाप तछ्याय्कं उकिया लिच्च: पिहां वइ मखु। न्हसिकापया कारण नखु ज:ख: च्वंगु वस्ती डुबानय् ला:गु मखु। नखुया वस्ती डुबानय् लानाच्वंगु कारण धइगु नखु खुसि अतिक्रमण याना: डुबानय् लानाच्वंगु ख:। तर दोष न्हसिकापयात बियाच्वंगु दु। टेकु डुबानय् लानाच्वंगु कारण नं न्हसिकाप मखु। अन नं खुसि अतिक्रमण याना: वस्ती दय्कगुलिं ख:। लिसें बुँइ छैँ दंगु कारण ख:। अथेजुया: न्हसिकाप तब्या याय्कं वा तछ्याय्कं स्वनिग:या वस्ती डुबानय् मलाइ धका: धाय्गु ज्या विल्कुल गलत ख:। वस्ती



मेता सँ न्हसिकाप तब्या याय्गु सँ जान वल धका: स्वय्गु ख:सा वंगु दैया असोज ११ निसे १३ गते तक व:गु खुसिबा: ख:। उगु इलय् धाय्गु ख:सा स्वनिग:या उत्तर लागा स्वयां दक्षिण लागा अप्व: डुबानय् ला:गु ख:।

धका: धाय्मा:। खुसि सिथय् न्हापा बुँ जुयाच्वंगु ख:सा ल: बा: वनिगु इलय् बुँ न्यंक बा: वनिगु ख:। गुकिं याना: वा व:गु आपालं धयाथें ल: जमिनय् दुहां वनिगु ख:सा म्हो जक ल: खुसिइ थ्यानिगु ख:। गुकिं याना: तच्चकं वा व:सां धनजनया क्षति धा:सा जुइगु मया:। अभ्र न्हापा न्हापा थें आ: उलि वा मव:। न्हापा न्हापा जूसा च्यान्हु फिन्हु तक मदिकक वा वयाच्वनिगु ख:। अथे मदिकक वा वयाच्वसां नं उकिं धनजनया क्षति धा:सा मया:। तर आ: वया: छेखे जमिनय् रिचार्ज जुइ फयाच्वंगु महु। रिचार्ज जुइगु थाय् नं मन्तसा मेखे लाथेपाथें पहाड तछ्याना: पहाडय् प्लटिड याय्गु ज्या जुयाच्वन थुकिं याना: अप्व: जनधनया क्षति जूगु ख:।

वा वइगु इलय् आ: खुसि सिथय् च्वंगु छैय् डुबानय् लाइगु दैय्दसं जुयाच्वंगु दु। तर उकियात न्यूनीकरण याय्गु ज्याय् धा:सा सरकारं बिचा: यानाच्वंगु महु। आ: हे नं स्वय्गु ख:सा खुसिय् सिथय् आपालं छैँ दु। अले खुसिबा: वइगु इलय् गज्या:गु छैय् नितजा: तक ल: दुहां वय्गु यानाच्वंगु दु। थुकिया समाधान छु

डुबानय् मलाकेगु ख:सा खुसि सिथय् च्वंगु वस्तीयात चीकेगु ख:। उकिया निंतिं सरकारं हे योजना दय्केगु ख:। डुबानय् लाइगु वस्तीयात अनं चीका: छ्वय्त् थाकुइगु खँ दु थुकिया निंतिं सरकारं हे नीति दय्केमा:। लिसें बुँ छैय् दनेगु गुगु क्रम न्ह्यानाच्वंगु दु आ: वया: उकियात पनेगु नीति नं सरकारं हय्मा:।

स्वनिग:या वस्ती डुबानय् लानाच्वंगु वा धनजनया क्षति जुयाच्वंगु कारणं प्राकृतिक मखु मानवीय ख: धइगु खँय् सरकारया लिसें सर्वसाधारण जनतां नं ध्यान बीमा:गु आवश्यकता दु। छाय् धा:सा नेवा:तय् वस्ती धइगु न्हापां निसें पाखय् च्वय् दय्कात:गु दु। गुगु द्वलंद्र: न्ह्यवनिसें दय्कात:गु ख:सा अज्या:गु वस्तीइ छुं नं कथंया समस्या जुयाच्वंगु महु। अले नेवा:तय्सं न्हापां निसें सिउगु खँ छु ख: धा:सा खुसि सिथय् च्वंगु बुँइ छैँ दने मजिउ। तर थौं वया: आपालं नेवा:तय्सं नं थाय् मछिं धका: खुसि सिथय् छैँ दनेगु गुगु ज्या यानाच्वन थ्व छगू कथं भविष्य थ:पित हे लिच्च: लाइगु खँ ख: धइगु थुइकेमा:गु आवश्यकता दु।

धर्मादित्य धर्माचार्यया म्हसिका



શ્રીકૃષ્ણ મહર્જન

यलया चिकबहीया वैद्यराज
वृषमान व मनी थकुया कोखं कान्छाम्ह
काय् कथं नेपाल संवत् १०२२
बछ्लाथ्व चर्तुदशी खुन्हु जन्म जूम्ह
खः जगतमान वैद्य । वय्कःपिनिगु
कुल बास्तवय् शाक्य खःसां नं
बृषमान अर्थात् जगतमान बैद्यया अबु
तत्कालीन इलय् दरबारया वैद्यया नामं
नांजाःगुलिं वय्कःपिसं थःपिनिगु नांया
ल्यूने शाक्य वा भिक्षाचार्य धकाः मतसे
वैद्य धकाः हे तयेगु याना वयाच्चंगु
खः । जगतमान वैद्यया दाजुपिं रत्नमान
वैद्य, सूर्यमान वैद्य, यज्ञमान वैद्य व
इन्द्रमान वैद्य खः ।

वृषमान वैद्य थः हे संस्कृत
शिक्षा कयातःम्ह जूगुलिं थः काय्
पिन्छैय् हे संस्कृत शिक्षा ब्वकेगु भ्
वल्य् जगतमान वैद्ययात न मंचानिसें
हे ब्वकेगु ज्या जूगु खः । अनं लिपा
जगतमान वैद्ययात औपचारिक
शिक्षाया नितीं यैया भोताहितिया दरवार
हाइस्कूलय भर्ना याःगु खः ।

भिच्छिदायँ बैसय् हे दरवार
हाइस्कूल सेण्टअप याना म्यात्रिकुलेसन
जाँच बीत जगतमान वैद्य अबलय्
हे भारतया कलकताय् भायादीगु
खः । स्कूलय् आखः ब्वसेनिसें हे
बौद्ध शिक्षाप्रति नुगः क्वसाःम्ह वय्
कः कलकताय् च्वनादीगु इलय् नं
महाबोधिसभाया पुस्तकालय् वनाः बौद्ध
शिक्षा व दर्शन नापं इतिहास तकं ब्वनेगु
ज्या यानादीगु खः । अन च्वनादीगु इलय्
हे वय्कःया स्वापू महाबोधिसभाया
संस्थापक अनागारिक धर्मपाल नाप
स्वापू दुगु खः । कलकताय् च्वना मेट्रिक
पास यानाः नेपाः लिहां वयादीम्ह वय्
कः हाकरं बाणिज्य शास्त्र ब्वनेत
कलकताय् हे भायादीगु खः । अबलय्
वय्कः कलकताया युनिभर्सिटीइ भर्ना
जुयादीगु खः । नेपाल संवत् १०४२
पाखे वय्कःयात अन धर्मपालपाखें
धर्मराजिक विहारय् धर्म आदित्य पद
बिउगु खः । थः गुरुपाखें प्रभावित जुयाः
जगतमान वैद्य थःगु नांया ल्यूने धर्माचार्य
धकाः तयादीगु खः । उगु इलय् थः गुरु
कथं नालातःम्ह अनागारिक धर्मपालया
नापं च्वनाः महाबोधि सोसाइटी नाप
स्वापू तयाः अन बौद्ध धर्मया शास्त्र
अध्ययन यानादीगु खः । थुगु कथं
जगतमान वैद्यया नां हिला धर्मादित्य
धर्माचार्य जूवंगु खः । उगु इलय् बर्माय्
बुद्ध धर्म प्रचारक संघं धर्मादित्य
धर्माचार्यात दुकया अबलय् एफबिए



उपाधि तकं बिउगु खः । अनंलि वय्
कलं बुद्ध धर्मया प्रतिक कथं म्हासूगु
लं छपाः जक फिना जुइगु याःगु खः ।
अनं लिपा हाकनं थः अबुया अनुमति
कया वयकूलं बरोडाराया कला भवनय्
टेक्निकल इन्स्टिच्यूतय् डी.टी.एम. कोर्श
नं पूर्वकादीगु खः ।

अनं लिपा धर्मादित्य धर्माचार्य
नेपाः लिहां भय्यादीगु खःसा नेपाल
संवत १०४४ पाखे असंया तंलाछि
त्वाल्य बुद्धोपासक संघ तकां
नीस्वनादीगु खः। अथे हे मिसापितं
नं सामाजिक व धार्मिक ज्याखँय
न्त्यज्याकेमाः धकाः यलया इलननिइ
नं बुद्धोपासिका संघ नीस्वनादीगु खः।
अथे हे वयकःया हे नेतृत्व्य किमदोल
विहारया जिर्णोद्धार नं यानादिल।

कलकत्ताय् वनेगु नेपाः लिहां
वयेगु हाकनं कलकत्ताय् वनेगु लगातार
रुपं जुयाच्वंगु अवस्था खः । उगु
इलय् कलकत्ताया विश्वविद्यालयया
दुने बंगाली, हिन्दी आदि भाषायात
मान्यता बिचा ब्वकातःगु खः । अले
नेपालभाषायात नं मान्यता बिइमाल
धकाः वय्कः छ्थ्व विद्यार्थीत ज्वनाः
डेलिगेशन तकं यानादीगु खः । लिपा
खय् भाय् अर्थात नेपाली भाषायात
मान्यता बिल तर नेपालभाषाया पाठ्य
सफू म्दु धकाः मान्यता मबिल । थुगु
खँपाखे मर्माहित जुयादीम्ह धर्मादित्य
धर्माचार्य नेपालभाषायात मान्यता
बीकेगु नितिं सफू पिकायेगु, पत्रिका

पिकाये अठोट यानादिल । थ्व
हे भूवलय् वय्कलं नेपालभाषां
दकलय् न्हापांगु पत्रिका कथं नेपाल
संवत् १०४५ स्वांया पुन्हि खुर्तु
भारतया कलकत्तां बुद्धधर्म नांगु पत्रिका
पिथनादीगु खः । नेपालय् जनस्तरं छुं
हे पत्र पत्रिका प्रकाशन याये मदुगु
अवस्थाय् वय्कलं थः हे प्रकाशक व
सम्पादक जुयाः अबलय् कलकत्तां लय्
पौ कथं उगु पत्रिका पिथनादीगु खः ।
नेवाः भाय्था माध्यमं बुद्ध धर्मप्रचार
यायेगु नितिं वय्कलं बुद्धधर्म पत्रिका
पिथनादीगु खः । थुगु पत्रिका लिपा
वना नां हिला बुद्धधर्म व नेपालभाषाया
नामं वय्कलं पिथनादीगु खः । उकिं
नेपालभाषाया न्हापांगु पत्रिका बुद्धधर्म
जुया बिउगु दुसा वय्कःयात हे
नेपालभाषा ख्यःया न्हापांम्ह पत्रकारया
रुपय् नालातःगु दु ।

अथे हे वयूकलं नेपाल संवत् १०४६ पाखे कलकताय् यानाभाषा साहित्य मण्डल नं पलिस्था यानादीगु खः । अथे हे भारतय् वना लजगाः यानाच्चर्पिं नेपाःमि बुद्धमार्गीपित् ग्वहालि यायेगु निर्तिं अबलय् वयू कलं नेपाली बुद्धमार्गी संघ तर्क न्नीस्वनादिल । भारतय् जूगु छ्मू तःधंगु सभाय् तर्क अबलय् हे वयू कलं नेपालभाषा व साहित्यया अनुसन्धानात्मक च्वसू न्ह्यब्वयादीगु खः । अबले हे धर्मादित्य धर्माचार्य बी कम पूर्वकादीगु खः । नेपाल संवत् १०४७ पाखे डा. बेनि माधव वरूआलिसे जानाः बुद्धिष्ट इण्डिया नांगु स्वला पौ नं पिथनादीगु खः । अथे हे नेपाल संवत् १०४८ पाखे हिमालय बौद्ध पत्रिका नं पिथनादीगु खः ।

बौद्ध धर्मया ख्यलय् मदिकक
योगदान यानाच्चगुलिं डाक्टर अफ
धम्म धकाः बौद्ध साहित्यरत्न उपाधिं
तकं वयकःयात छायेपिङ्गु ज्या जूगु
खः । अथे हे वयकलं अर्थशास्त्र
नीतिकया बी ए पास यानादिलसा
नेपाल संवत् १०५३ पाखे महायान
तत्वज्ञान विषयात कयाः एम ए तकं
यानादीगु खः ।

थुगु ई तकया दुने वयकःयात
बौद्ध धर्मया ह्यलं यक्व हे उपाधि बीगु
निसें सम्मान यायेगु ज्या याःगु खः ।
नेपाः लिहां भायादी धुंकाः वयकः
उद्योग परिषदय् नेपाल संवत् १०५६
पाखे खरदारया जागिर नयादीगु खः ।
अर्नलि मां अबुपिसं नेपाल संवत् १०५६

पाखे यलया वज्राचार्य कलुया अष्टरल
माया नाप इहिपा जुल । अले निम्ह काय्
व प्यम्ह म्हाय् तर्क दत । अबलय्
आर्थिक अवस्था कमजोर जूगुलिं साहु
महाजनपनिगु कारोबारया भ्वं तर्क
च्चेयेगु, विद्यार्थीपित आखः ब्वंकेगु
ज्या तर्क यानादीगु खः । बुद्ध धर्मप्रति
आस्था दुम्ह वय्कःया गतिविधि खनाः
तत्कालीन अवस्थाय् राणा शासकत
लय्मताः । उर्कि थःगु स्वाभिमानय् तर्क
लिच्चः लात धकाः तायेकाः धार्मीदत्य
धर्माचार्य जागीरं राजीनामा तर्क
बियादिल । अबलय् नेपालभाषां च्वइपिं
नापं समाज सुधार याइपिं मनूतयूत
धमाधम राणातय्सं ज्वंगु खः । व ई धइगु
१९९७ साल खः ।

अबलय् धर्मादित्य धर्माचार्यायात
तकं ज्वनाः कडा निगरानी तयाः
सिंहदरवारय् पाल ग्वयाः स्वला तक
कुनातल । मेमेपित ला जेलय् हे चलान
याःगु खःसां धर्मादित्य अबलय् याम्ह
छम्ह अर्थशास्त्रय् तसकं ज्ञान दुम्ह
जूगुलिं जेलय् धाःसा मतः । उकिया मूल
कारण धइगु गुन्जमान सिंहं राणातयूत
नेपालय् अर्थशास्त्र सम्बन्धी ज्ञान दुम्ह
धर्मादित्य धर्माचार्य जक खः धकाः
थुइकेगु ज्या याःगुलिं खः । अनील
नेपाःया गुलि नं अबलय् उद्योगत दु
उकिया ऐन कानुन तयार यायेगु ज्या तकं
धर्मादित्य धर्माचार्य यानादीगु खः ।

२००७ सालया राजनीतिक हिउपाः लिपा वयूकः हाकनं सामाजिक नापं मेमेगु ख्यलय् सक्रिय जुयादीगु खः । थ्व हे भूवलय् नेपाल संवत् १०७३ पाखे च्वसापासाया ग्वसालय् जूगु विराट नेपालभाषा साहित्य सम्मेलनय् नेपालभाषायात उत्पीडन यानातःगुयात कयाः सार्वजनिक रुपं भाषण तकं बियादीगु खः । अथे हे नेपाल संवत् १०७३ पाखे चिकं बर्हिहलिइ वयूकलं बौद्ध अनुसन्धान मण्डल नीस्वनादीगु खः । नेपालभाषाया ख्यलय् ज्वःमदुगु योगदान यानादीगुलिं वयूकःयात नेपाल संवत् १०७६ पाखे नेपालभाषा परिषद्पाखें भाषा शुवाःया उपाधि बिउगु खः । नेपालभाषा व बौद्ध धर्मया सेवा यानाच्चव्वं हे धर्मादित्य धर्माचार्य म्ह मफुत । वयूकःयात पक्षघाट जूगु खः । अयूनं वयूकलं नेपालभाषाया ख्याःयात धाःसा मत्वःतू । अन्ततः वयक्ः धर्मादित्य धर्माचार्य नेपाल संवत् १०८३ दिल्लागा ३० शनिवाः कुन्हु मन्त ।



राम प्रजापति
प्रोफ़ाइलर

हारती मिठाई भण्डार

(इच्छा शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२११९, मो. ९८०३९८०६९९

यहाँ:-

विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्द्धर अनुसार मिठाईहरू तयार गरिन्छ ।

[illegible]



ଆମର

ହୃଦୟ ପ୍ରସାର ହେଉ ମଙ୍ଗଳାୟା:



भाषाथुवा, शासनधज धम्माचरीय अगमहागन्थवाचकपण्डि डा. धम्मावती गुरुमां

इजिप्टिय नेपाःया स्वन्हूयंकं किपा ब्वज्या



एजेन्सी/ इजिप्टिया राजधानी कायरोय् च्वंगु नेपाली राजदूतावासया समन्वयय् अनया ओपेरा हाउसय् 'फेसेस फ्रम नेपाल' नामं स्वन्हूयंकं किपा ब्वज्या ज्याइवः जूगु ।

इजिप्टिया नितीं नेपाली राजदूत सुशीलकुमार लम्सालं वंगु शनिवाः उलेज्या यानादीगु ब्वज्याय्

इजिप्टिया फोटो पत्रकार यासेर आला मुबारकं सन् २०२४ या शिलाचन्हे यँया पशुपति लागाय् कयातःगु ३० गु किपा दुथ्याकातःगु दु ।

कायरोय् च्वंगु नेपाली दूतावासया कथं उगु इलय् राजदूत लम्सालं नेपाः व इजिप्ट दथुया निगू पक्षीय स्वापू क्वातुकेत जनस्तरया स्वापू महत्वपूर्ण

जूगु धयादिल । वय्कलं विश्व सम्पदा धलखय् लाःगु पशुपतिइ देगः लागाया महत्व बारे धयादिसें किपा ब्वज्यां स्वकुमितयूत नेपाःया मौलिक नापं प्राचीन सांस्कृतिक सम्पदाया लू न्हयब्वःगु बिचाः प्वकादिल ।

फोटो पत्रकार मुबारकं नेपालय् किपा कयागु इलया थःगु अनुभव न्यंकादिसें तःमिगु व विविधतां जाःगु सांस्कृतिक सम्पदां तःमि जूगु हुनिं नेपाः फोटोग्राफरतय् नितीं तःधंगु आकर्षणया केन्द्र जुयाच्चंगु धयादिल । वय्कलं किपा ब्वज्या थेंजाःगु गतिविधिं नेपाः इजिप्ट सांस्कृतिक कालबिल पाखें निगू देय् दथुया स्वापू अभ्रं क्वातुनाः वनीगु बिचा प्वकादिल ।

उलेज्या ज्याइवलय् फोटोग्राफरलिसें पत्रकार, कलाकार, कूटनीतिक नियोगया प्रतिनिधि, विद्यार्थीनापं थ्यंमथ्यं सच्छिभेस्यां ब्वति काःगु दूतावासं धाःगु दु ।

परेश रावल 'हेरा फेरी ३' य् अभिनय याइगु पक्का

एजेन्सी/ बलिउडया लोकह्वाम्ह अभिनेता परेश रावल 'हेरा फेरी ३' य् हाकनं अभिनय याइगु पक्का जूगु दु । छु ई न्हयः परेश रावलं सकिपापाखे लिहां वनेगु खबर सार्वजनिक याःगु खः ।

उगु बुखँ नं उत्पन्न जुयाच्चंगु अन्योलयात अन्त्य यासें नकतिनि हे छगू पोडकास्ट अन्तर्वार्ताय् समस्या समाधान जूगु जानकारी ब्यूगु दु ।

रावलं निर्माता लिसे अभिनेता अक्षय कुमार नाप मतभेद आः मिले जुइ धुंकूगु व सकिपाया छायांकन नियमित प्रक्रियाय् न्हयःने वने धुंकूगु दु । 'हेरा



फेरी ३' य् रावलनाप अभिनेता अक्षय कुमार व सुनील शेड्डी हाकनं खने दइगु जूगु दु ।

'हेरा फेरी' सन् २००० य् प्रदर्शनय् वःगु खःसा थुगु सिक्वेल् 'फिर हेरा फेरी' २००६ य् वःगु खः ।

आमिर खान भारतीय चलचित्र महोत्सव मूपाहां

एजेन्सी/सन् २०२५ य् जुइगु भारतीय सकिपा महोत्सव मेलबर्न (आईएफएफएम)य् बलिउड अभिनेता आमिर खान मूपाहां जुइगु जूगु दु । २०२५ भदौ १६ गतेनिसें २४ गते तक न्ह्याइगु महोत्सवय् वय्कः मूपाहां कथं ब्वति काइगु जूगु दु ।

खसाः खलःया कथं भिन्छक्वःगु संस्करणय् भारतीय सकिपा ख्यलय् वय्कलं बियादीगु योगदानयात नं सम्मान याइगु जूगु दु ।

आमिरया लोकंहवाःगु सकिपा



नं क्यनीगु जूगु दु । थुकी वय्कःया लिपांगु सकिपा 'सितारे जमीन पार' नं

दुथ्याइगु खँ धाःगु दु । स्वंगू दशकया करियरय् आमिर खानं श्री इंडियट्स, लगान, डंगल, पीके, सिक्नेट सुपरस्टार, तारे जमीन पार थेंज्याःगु सकिपा अभिनय यानादीगु दु ।

वय्कलं म्हितादीगु सकिपाया विषयवस्तु, पात्र व दृष्टिकोण भारतीय सकिपा व समाजय् तःधंगु प्रभाव लाकूगु दु । थ्व बाहेक महोत्सवय् सकिपा क्यनेज्या, प्यानल डिस्कसन, मास्टरक्लास व सांस्कृतिक ज्याइवः नं जुइ ।

दीपिका पादुकोण प्रतिष्ठित 'हलिउड वाक अफ फेम' धलखय् नां दुथ्यात



एजेन्सी/ बलिउडया सुपरस्टार दीपिका पादुकोणया नां प्रतिष्ठित 'हलिउड वाक अफ फेम' धलखय् दुथ्याःगु दु । सन् २०२६ या नितीं सार्वजनिक याःगु धलखय् दीपिका 'मोशन पिक्चर्स' श्रेणी अन्तर्गत दुथ्याःम्ह न्हापांम्ह भारतीय कलाकार जूगु दु । मां जूगु छु ई दुने हे अन्तराष्ट्रिय स्तरय् न्हापागु दीपिकाया उपलब्धियात भारतीय मनोरञ्जन उद्योगय् ऐतिहासिक रुपय् काःगु दु ।

अमेरिकाया लस एन्जलसस्थित हलिउड बुलेवाडय् दुगु तारा चिं दुगु 'वाक अफ फेम' य् थुगु इलय् दीपिका नाप ३५ अन्तर्राष्ट्रिय कलाकार

तयेगु नां सार्वजनिक याःगु दु । उगु धलखय् टिमोथी चालमेट, डेमी मूर, राशेल म्याकएड्म्स व रामी मालेक थें हलिमय लोकंहवाःपि नां दुथ्याः । दीपिकां थ्व स्वयां न्हयः अन्तराष्ट्रिय पहिचान स्थापित जुइ धुंकूम्ह कलाकार खः ।

सन् २०१८य् अमेरिकायापत्रिका टाइम हलिमय १०० प्रभावशाली व्यक्तित्व मध्ये छम्ह कथं ल्यःगु खः । वया लिपा टाइम १०० इम्प्याक्ट सिरपा नं लःल्हागु खःसा सन् २०२२ य् फिफा विश्वकपया फाइनल कासाय् विजेता ट्रफी सार्वजनिक यायेगु नं ह्वःताः चुलागु खः ।

हरेक मंगलवाः

राष्ट्रियताको लागि समर्पित



मेरो साप्ताहिक

मन्त्र साप्ताहिक

Mero Saptahik

मालाः मालाः ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

तिम्रो याद म्ये पितव्वज्या जुल



लहना वा:पौ/बि.आर. प्रोडक्सनया न्थ्यव्वया खस नेपाली भायूया न्हूगु म्येया म्युजिक भिडियो 'तिम्रो याद...' या पितव्वज्या जूगु दु।

विजयरत्न असंबरे, वरिष्ठ संगीतकार बुद्ध सायूमि पितव्वज्या यानादीगु खः।

म्युजिक भिडियोया निर्देशन सुरेन्द्र मानन्धर व शिवानी वज्राचार्य यानादीगु खःसा सम्पादन इन्द्र मानन्धरं यानादीगु खः।

म्युजिक भिडियोय् किरण जोशी व भिन्तुना जोशी अभिनय यानादीगु दु। संचारकःमि विराजकाजी राजोपाध्यायं न्ह्याकुगु उगु ज्याइवः नांजाःम्ह फोटोग्राफर राजभाई सुवालया फोटो स्टुडियोया हलय् जूगु खः।

नेपाल लिपिं साइनबोर्ड तय्त बिशेष सहलह



लहना वा:पौ/ यल महानगरपालिका १६ वडाया ग्वसालय् यल महानगरपालिका दुने संघसंस्था व्यवसायया ग्वरलय् नेपालभाषा लिपि छ्यलेगु बारे विशेष मुँज्या जुल।

यल मनपा १६ वडाया अध्यक्ष निर्मलरत्न शाक्यं थ्व हे असार मसान्त

तक दुने संघ संस्था, पसःया साइनबोर्ड, बिल व लेटरप्याडय् नेपाल लिपि व नेपालभाषा अनिवार्य छ्यलेत इनाप यानादीगु दु।

उगु विशेष मुँज्याय् थीथी खलः पुचः नाप ब्यवसायीतय्गु ब्वति दुगु खः।

उपेश महर्जनं अनुसन्धान प्रतिवेदन लःल्हात

लहना वा:पौ/ सार्वजनिक सेवा प्रसारण, नेपाल (पीएसबी, नेपाल) या कार्यकारी अध्यक्ष डा. महेन्द्र विष्टयात प्राज्ञिक अनुसन्धानकर्ता उपेश महर्जनं थःगु अनुसन्धान प्रतिवेदन लःल्हागु दु।

रेडियो नेपालपाखे प्रसारण जुइगु नेपालभाषाया बुखँ व ज्याभ्वः जीवन दबू नं नेवाः समुदायया पहिचान निर्माण यायेत म्हिन्तुगु आयाम बारे अनुसन्धानकर्ता महर्जनं अनुसन्धान यानादीगु खः। सिंहदरबारस्थित पिएसबी, नेपालया कार्यकारी अध्यक्ष डा. विष्टं अनुसन्धान प्रतिवेदनया निष्कर्ष पत्रकारिताया छ्यलय् सरकारी सञ्चार गृहं आदिवासी जनजाति व



भाषिक पहिचानय् ग्वाहालि जुइगु खँ धयादीगु दु।

स्वतन्त्र अनुसन्धान मज्गु कारणं सरकारं याःगु बालागु ज्याभ्व

वः जनताया थाय् मथ्यःगुलि सम्बद्ध पक्षया ध्यानाकर्षण यायेगु नितीं थज्याःगु अनुसन्धानं ग्वाहालि जुइगु भलसा कयादीगु दु।

लोककवि जकःमिया पुर्खाया पलाःख्वाँय् पिदन



लहना वा:पौ/नेपाल प्रज्ञा प्रतिष्ठानया देवकोटा दर्बुलिङ लोककवि राजभाइ जकःमिं च्वयादीगु पुर्खाया पलाःख्वाँय् लुमन्ति काब्य सफू वंगु शुक्रवाः पितव्वज्या जुल।

बागमती प्रदेश सरकार, संस्कृति तथा पर्यटन मन्त्रालयपाखें प्रकाशन जूगु थ्व पितव्वज्या नेवाः देय् दबू व नेपाल प्रज्ञा पतिष्ठानया मंकाः ग्वसालय् जूगु खः।

ज्याइवलय् मूपाहाँ पूर्व मन्त्री व वागमती प्रदेशया सांसद शैलेन्द्र बज्राचार्य लोककविं भीगु जाति, भाषा, साहित्य, व आन्दोलन छ्यलय् यानाच्चनादीगु ज्यायात लुमंकाः थ्व सफू बागमती प्रदेशं पिथनेगु ज्या यानागु खँ न्ह्यथनादिल।

ज्याइवलय् वरिष्ठ कवि योगेन्द्र प्रधान, भाषा आयोगया दुजः सुरेस किरण मानन्धर, वरिष्ठ साहित्यकार हितकरविर सिंह कसाः नेवाः देय् दबूया पूर्व नायः व संरक्षक नरेश ताम्राकारपिसं नुगःखँ तयादीगु खः।

नेपाल भाषा बुखँ सेवाबारे समीक्षा

लहना वा:पौ/ राष्ट्रिय समाचार समिति (रासस) पाखें प्रवाह जुयाच्चंगु नेपालभाषा बुखँ सेवा बारेया आवधिक समीक्षा बैठक च्वंगु दु। राससं २०८१ साल कात्तिक ४ गतेनिसं मैथिली व नेपालभासं बुखँ पिथंगु खः। राससं थ्व स्वया न्ह्यः अवधी भासं बुलेटिन पिकया वयाच्चंगु खः।

उगु इलय् सञ्चार नापं सूचना प्रविधि मन्त्री रेखा शर्मा २०८० साल पुस २३ गते रासस केन्द्रीय ज्याकु भद्रकाली प्लाजाय् छगू ज्याभ्वः दथुइ मांभायूया बुखँ सेवाया उलेज्या यानादीगु खः। उगु बैठकय् नेपालभाषा पत्रकारिता याना वयाच्चंगु थीथी सञ्चार माध्यम नापं प्रकाशन गृह प्रतिनिधित्व याइपिं भाषा अभियन्ता नापं सञ्चारकःमितय्गु ब्वति दूगु खः।



वय्कःपिसं राससं मांभाषं बुखँ बुलेटिन पिकाःगु च्वछाय्वहःगु ज्या जूगु धासं स्थानीय समुदायलिसे स्वानाच्चंगु ज्याखँतय्गु बुखँ अपेक्षाकृत जुइक म्हो जूगुपाखे रासस व्यवस्थापनयात ध्यान आकृष्ट यानादिल।

मांभायूया बुलेटिनय् नं राज्य पक्षया हे जक बुखँ प्रवाहित जूगु अनुभूति थःपित जूगु वय्कःपिनिगु धापू खः। मांभायूया बुखँ सेवा

न्ह्याकेधुंकाः आः थुनियात अफ सुधार यानाः प्रभावकारी व व्यापक यानाः यंकेमाःगु आवश्यकताय् बः बिसं वय्कःपिसं फयाफक्व अप्वः स्थानीय ज्याखँतय् रासस बुलेटिनय् थाय् बीकेत बुखँ संकलन व सम्प्रेषणय् थःपिनिगु नं दायित्वबोध जुया नेवाः समुदायं याःगु व उगु कथं सहकार्य यानाः न्ह्याः वनेफइ धइगु धारणा तयादीगु खः।

याकनं बजेट ...

आइवाः सञ्चारकर्मीतय्त प्रतिक्रिया बीगु इवलय् बजेट हयेगु नितीं थः पंगः मजुइगु खँ धयादीगु खः। लिसं वय्कलं बजेट लिसे काठमाडौं भ्यु टावरयात स्वायेगु ज्या गुगु जुयाच्चंगु दु उकियात कयाः आक्रोश नं प्वकादीगु खः।

वय्कलं सञ्चारकर्मीत लिसं खँ ल्हायेगु इवलय् धयादीगु दु, 'जि बजेट वयेमाः धइगु पक्षय् दु। मेयर बालेन साह, उपमेयर सुनिता डंगोल व जनप्रतिनिधिया निर्णयलय् जि पंगः जुइ धकाः जिं धया वयाच्चनागु दु।'

वय्कलं बजेट लिसे काठमाडौं भ्यु टावरया विषय स्वायेगु ज्या जूगु धासं उकियात स्वायेगु ज्या हे गलत जूगु खँ नं धयादिल।

वय्कलं भ्यु टावरया नक्सा पासया विषयलिसे स्वानाः थत बियाच्चंगु द्वपनय् सत्यता मदुगु धासं थःगु चरित्र हत्या यायेगु कुतःयात कयाः आक्रोश प्वकूसं धयादिल, 'जिं न्हापा जूगु निर्णययात अनुमोदन जक यानागु खः। जिं नक्सा स्वीकृत यायेगु इलय् नं प्रष्ट कथं न्ह्यथनागु दु। सम्बन्धित निकायं जिगु कमजोरी क्यन, नियम, कानुन व प्रक्रियाय् दोषी प्रमाणित यात धाःसा कारबाही फयेत

तयार दु। तर आः गुगु ढंगं द्वपं बीगु ज्या जुयाच्चंगु दु थ्व गलत खः।'

मातृभाषा...

घोषणा पौ लःल्हाना काय्गु इवलय् संयुक्त राष्ट्र संघया नेपाः प्रतिनिधि शर्मा धयादिल, 'नेपालय् मातृभाषा पत्रकारिताया सम्बन्धय् नेवाः पत्रकार राष्ट्रिय दबू व सार्क जनलिष्ट नाप ज्या याय्त व सहकार्य याय्त संयुक्त राष्ट्र संघ सकारात्मक दु।'

शर्मा मातृभाषा संरक्षणया निती नेवाः पत्रकार राष्ट्रिय दबू व सार्क जनलिष्टया कुतःया प्रशंसा नं यानादीगु दु। सार्क पत्रकार मञ्चया अध्यक्ष राजु लामां सम्मेलनया उद्देश्य स्पष्ट यानादिसं मातृभाषा पत्रकारिताया निती संयुक्त राष्ट्र संघयात ग्वाहालि याय्त इनाप यानादीगु खः।

अथेहे पत्रकार दबूया अध्यक्ष नृपेन्द्रलाल श्रेष्ठ १३ व १४ जुन २०२५ य् जुगु निक्वःगु अन्तर्राष्ट्रिय मातृभाषा पत्रकार सम्मेलनया घोषणापत्रयात समर्थन याना संयुक्त राष्ट्र संघयात मातृभाषा पत्रकारिता कयाः याना वयाच्चंगु ज्याभ्वःयात ग्वाहालि याय्त इनाप यानादीगु खः।

प्रचलित नेपाललिपिं पिहाँ वयाच्चंगु
म्हसीका लय्पौ ब्वनादिसँ/ब्वंकादिसँ

महीका लय्पौ

MHASIKA Monthly | म्हसीका मासिक

न्यू जेनिथ् फेयरवेल ज्याइवः



लहना वा:पौ/नकातिन क्वचा:गु एसईई जाँचय् न्यू जेनिथ इङ्गलिस मोडल स्कूलपाखें ब्वति कया: ता:ला:पिं ५३ मह ब्वैमिपिन्त वंगु शुक्रवा: छगू ज्याइव:यासैं विदाई (फेयरवेल) या:गु दु ।

न्यू जेनिथपाखें एसईई जाँचय् गुम्हेसिन ए प्लस, २७ म्हेसिन ए व १७ म्हेसिन बी प्लस जीपीए हया: पास या:गु दु ।

यें मनपा १८ वडाया अध्यक्ष न्हुछेकाजी महर्जनया मूपाहाँसुइ जूगु ज्याइवलय् एसईई ता:ला:पिं ब्वैमिपिन्त मतिनाया चिं व खादागां न्यय्का: हनेज्या या:गु खः ।

ज्याइवलय् नुग:खँ तयादिसैं

न्यू जेनिथ स्कूलया संस्थापकालिसैं प्रधानाध्यापक राजु महर्जन धयादिल, “भीसं न्यू जेनिथ स्कूलया भी थीगु नगुतयुत बिदा बिइगु इवलय् न्हगु म्हास, न्हगु लक्ष्य, न्हगु साहसिक ज्याया शुरुवातया लसता प्वकेगु यानाच्चना । छिकपिनिगु न्हिलासु, लुमन्ति व भावना न्ह्याबलें थुगु हल्य थ्वया हे च्वनी । हलिम्ये चकनाच्चन – भविष्य छिकपिनिगु हे खः !”

न्यू जेनिथ स्कूलय् थौंकन्हय् १२ तगिं तक ब्वकेगु ज्या जुयाच्चंगु दु । थुगु ब्वनेकुथिइ होटल म्यानेजमेन्ट, कम्प्युटर साइन्स, बिजनेस स्टडिज ब्वंगु ज्या जुयाच्चंगु प्रधानाध्यापक महर्जन कनादीगु दु ।

यल मनपा वडा नं ५ य वृहत सरसफाई



लहना वा:पौ/यल जूगु दु । यलया समृद्धि व सुशासनया महानगरपालिका वडा नं ५ य वंगु शनिवा: वृहत सरसफाई ज्याभ्वः

थसिखेल महिला समूहपाखे वृहत सरसफाई ज्याभ्वः जूगु या:गु खः ।

शुक्रथया ज्याइव:यात त्वा:त्वा:पाखें न्ह्याका यकेमा:गु खँ तयादिसैं वडाअध्यक्ष विकासमान श्रेष्ठ वडाया थीथी त्वा:खल:यात शुक्रथया ज्या न्ह्याका: सरसफाई सम्बन्धी जनचेतना अप्वयेकेत इनाप यानादिल । ज्याभ्वलय् श्री महालक्ष्मी टोल विकास संस्था ग्वाहालि या:गु ख:सा बहुउद्देश्यीय क्लिनिक सभिस प्रा.लि.पाखे प्राविधिक ग्वाहालि या:गु खः ।

प्राविधिक शिक्षा र व्यावसायिक तालिम प्राप्त गरौं ।

- इलेक्ट्रिसियन, प्लम्बिङ्ग, कम्प्युटर अपरेटिङ्ग, सिलाई कटाई, मोबाइल मर्मत, कुकिंग एण्ड हस्पिटालिटी, कृषि, तथा पशुपालन जस्ता प्राविधिक ज्ञान प्राप्त गरौं ।
 - स्वरोजगार बनौं,
 - कम लागतमा उच्च परिणाम हासिल गरौं,
 - आत्मनिर्भर र उद्यमशील बनौं,
 - देशमै रोजगारीको अवसर प्राप्त गरौं,
- “जीवनस्तरमा सुधार गरौं”**



नेपाल सरकार

विज्ञापन बोर्ड

NEW ZENITH ENGLISH MODEL SCHOOL

ADMISSION OPEN FOR GRADE 11

HOTEL MANAGEMENT **COMPUTER SCIENCE** **BUSINESS STUDIES**

UP TO 90% SCHOLARSHIP FOR DESERVING STUDENTS.

UP TO 90% SCHOLARSHIP FOR DESERVING STUDENTS.

UP TO 90% SCHOLARSHIP FOR DESERVING STUDENTS.

छत्रपाटी नि:शुल्क चिकित्सालय (अस्पताल)

“सत्रीय शुलभ स्वास्थ्य सेवा सकसिया निति, असहायता निति जक नि:शुल्क”

उपलब्ध सेवा

उद्दी घण्टा सेवा

- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिबिन्दु
- क्लरिफिकेसन
- नक बान छेदी सम्बन्ध
- हाडजोर्नी तथा नखा सम्बन्ध
- बिना बिबरार विमार्ग सतीको पत्तर सम्बन्ध

बहिरंग सेवा

- मुह रोग
- पैठ रोग
- धुरीनोजी
- स्त्री रोग
- बाल रोग
- कवचनर रोग
- बन्त रोग
- अर्थात रोग
- जलरोग मेडिसिन
- बर्ष तथा वीर रोग
- नाक कान छेदी रोग
- जलरोग होम सेवा अग
- बाइरोइड
- मधुमेह

मेमेनु सेवा

- टेसिङ
- इण्डोस्कोपी
- कोलोन्सोकोपी
- फिजियोथेरापी
- अल्ट्रासाउण्ड कलर डपलर र डोको
- इन्टोपेबी स्तरको दम प्रयोगशाला
- टि.एम.टि. हल्टर

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३९६९३८, ५३५७९९९, ५३६६२२९